

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Meditationum evangelicarum volumen tripartitum

Creidius, Hartmann

Francofurti ad Moenum, 1682

Exegesis

[urn:nbn:de:bsz:31-122776](#)

Dominica III. post Epiphaniam.

51

sua nulla fecit miracula, quia hoc primum fecisse dicitur signum, ut manifestaret gloriam suam, quod sit Deus ille, qui solus miracula facere potest, Ps. 72. v. 18.

2. *Discipulorum in fide corroboratio.* Hic est finis miraculorum, ut infideles ad fidem perducantur. Jam verò ubi doctrina Evangelii satis confirmata est tam Christi,

quām Apostolorum miraculis, qui adhuc prodigia querit, magnum ipse prodigium est, ut Augustinus loquitur. Hæc dicta sunt de nuptiis Canæ Galilææ. Beatus verò qui ad nuptias agni vocatus est, Apoc. 19. v. 9. tunc perfectè manifestatur Christi gloria. Johan. 17. v. 24. quam ut mox videamus, faxit Deus T. O. M. Amen.

Dominica III. post Epiphaniam.

Evangelium Matth. 8. v. 1. 14.

Cum Moses tabulas Decalogi in monte Sinai ab ipso Deo accepisset, & jam descenderet, ut populo leges sanctitas insinuaret, ecce recesserant Israelite de via, & vitulum sibi fecerant ex auro, quamobrem irâ commotus non solum tabulas è manu projecit, & ad radicem montis confregit, sed etiam ministerio Levitarum tria hominum millia in populo occidit, Exod. 32. v. 19. &c 28.

Hac severitate legis effecta tacite notantur, quod nimirum iram operetur, Rom. 4. v. 15. unde ministerium mortis & damnationis appellatur, 2. Cor. 3. v. 7. & 9. Contrà audiimus in hodierno Evangelio, quod Christus post prolixum sermonem in monte habitum, quā veram legis promulgatæ sententiam expoluerat, descendens iterum leprosum & paralyticum divinâ suâ virtute sanavit, ut indicaret, se esse verum animarum nostrarum medicum, qui è summo cœli monte in has terras eo fine descenderit, ut à spirituali peccati lepra, & animæ paralysi nos liberaret. Nam lex per Mosen data, gratia autem per Christum exorta est, Joh. 3. vers. 17.

Nos ad manus sumemus prælectam Evangelii pericopen, & videbimus

I. *Curam leprosi.*

II. *Curam paralyticæ.*

J.J.

EXEGESIS.

VErè Christus Zemah dicitur, sub quo germinare & crescere debet Ecclesia, Zach. 6. v. 12. quæ in V. T. terminis palestiniæ angustioribus circumscripta erat. Nam taliter non faciebat Deus omni nationi, Ps. 147. v. 20. Sed in N. T. respectus ille personarum cessavit, & quisquis nomen Domini invocat, salvus erit, Rom. 10. v. 13. Hujus rei exemplum habemus in prælecto Evangelio, ubi tam leprosus ex Judaico semine oriundus, quām centurio gentilis à Christo recipitur. De cura leprosi primum agemus, sed quatuor potissimum ponderanda nobis occurunt

1. *Temporis notatio*, quando nimirum acciderit. Hoc Evangelista subinnuit περὶ Φραστήν, per verba: Cum descendisset de monte, & intelligit motem, in quo Christus

G 2

stus

Dominica post III Epiphaniām.

52

Itus elegantissimam Concionem de vera beatitudine habuerat, quæ descripta est Matth. 5.v.6.7. Finita concio de monte descendit, & doctrinam suam miraculis hisce confirmat, quo ostendit, se non solum esse sapientiam, verum etiam virtutem & potentiam Dei, quorum utrumque ipsi tribuit Apostolus 1. Cor. i.v.24. nimirum Prophetam illum potentem opere & sermone coram Deo & omni populo, Luc. 24. v.19. Hoc demonstravit in Concionibus, in quibus consilium Dei de salute nostra nobis revelavit, Joh. i.v. 18. illud in miraculis, dum pertransiit beneficiando & sanando omnes oppresos à Diabolo, Act. 10.v.38. Ergo promissionibus ejus tuto fidere possumus, quia virtute etiam poller, & quaecunque promittit, etiam praestare potest, Rom. 4.v.21.

2. *Leprosi presentatio*, nam cum ventum esset ad radices montis, ecce, inquit Evangelista, leprosus accedebat eum, Lucas addic. c. 5. v. 12. quod fuerit plenus leprâ, quæ aliás incurabilis est, 2. Reg. 5. v. 7. Videmus inde, quām salubris sit morborum afflictio, quia ad Christum ire compellit, Os. 6. v.1. Noli igitur murmurare, quod pateris medicina est, non poena, castigatio est, non damnatio, ut inquit Augustinus.

Describitur autem præsentatio illa, quod facta sit

1. *Genua decente*. Nam adoravit eum, inquit Evangelista. In Græco est vocabulum προσκύνειν, quod non simpliciter adorare, sed cum incurvatione cervicis & totius corporis honorem debitum alicui offerre significat, sicut Abraham fecit, Gen. 18.v.2. hinc Marcus per genuflexionem, c. 1.v.40. & Lucas per totalem prostrationem in faciem explicat, c. 5. v. 12.

Humilitas hæc Deo valde placet, & in

Scripturis etiam pluribus Sanctorum exemplis nobis commendatur, vide 1. Reg. 8.v.22. Dan. 6.v. 10. Act. 9.v. 40. Sicut enim leo potius: Ita Deus reverentia & humiliatione tali ad commiserationem flectitur, ut probat exemplum Ahabi, 1. Reg. 21.v.29. Peccant igitur, qui inter orandum non in genua, sed in podicem procidunt, & vestimentorum dispendium metuunt. Sed videant, dum vestis nitida custoditur, ne multis peccatis ac negligentis anima sordidetur, ut Cæsarius loquitur.

2. *voce gemente*. Nam brevi oratione Christum aggreditur. Domine, inquit, si vis, potes me mundare. Quibus verbis totam artem orandi complectitur. Et docet nos suo exemplo, quomodo preces informandas sint, si quidem Deo acceptas esse velimus.

1. Monstrat verum objectum. Nam Christum secundum utramque naturam sine intercessione invocat. Si Pontificius fuisset, primum vel Matrem vel Apostolos Domini accessisset. Ita nos quoque orationem ad verum objectum ante omnia dirigamus, nimirum ad Christum, qui omniscius est, & gemitus nostri ab eo non sunt absconditi, Ps. 38.v.10. Omnipotens est, & potest superabundanter facere super id quod petimus & intelligimus, Eph. 3.v.20. misericors est, & facit voluntatem timentium eum, Psal. 145. v. 19. Hinc Ecclesia: Abrahain ignoravit nos, Israel nescivit nos, tu autem Pater noster, Redemptor noster, à seculo nomen tuum, Es. 6.4. v. 16.

2. *Verum affectum*, in quo tota vis orationis recumbit. Qualis enim orantis affectus est, inquit Augustinus, talis etiam erit exaudientis effectus.

Lepro

Leprosus orat

1. *Cum breviloquentia.* Ita nos quoque in multiloquio fiduciam exauditionis non ponamus, Matth. 6.v.7. non enim verba deprecantis Deus intendit, sed orantis cor aspicit, inquit Isid.

2. *Cum confidentia.* Dum infinitam sa-
nandi potentiam in Christo agnoscit, & si-
ne ulla dubitatione credit, quod Christus,
si velit, ipsum quoque mundare pos-
sit. Ita nos, si postulamus aliquid à Deo
cum fide postulemus necesse est, Jacob. 1.
v. 6. nam si fides deficit, oratio perit, in-
quit Augustinus. Hoc est male petere,
& qui male petit, nil accipit, Jacob. 4.
vers. 3.

3. *Cum differentia, & conditionem ob-
servat,* quâ cum bona temporalia semper
à Deo petenda sunt: quare hypotheticè lo-
quitur. Domine si vis: Ita nos quoque in
petitione temporalium voluntati divinæ hu-
milater nos subjiciamus. Petimus aliquan-
do divitias, sed spinæ sunt, Luc. 8. vers. 14.
liberos, sed degenerant, ut Absolon. 2. Sam.
15. vers. 1. & seqq. honores, sed lapsum me-
ditantur, ut Haman suo incommodo di-
dicit, Esth. 5. vers. 11. cap. 7. vers. 10. Ergò
conditio semper adjicienda est, si nempe
DEUS velit, & id quod petimus, ad glo-
riam ipsius & nostram salutem inserviat. Ita
David 2. Samuel. 15. vers. 25. 26. tres viri, Da-
niel. 3. vers. 17. 18. Christus ipse, Luc. 22.
vers. 42. hoc si observamus, certò conse-
quemur, quicquid petierimus, 1. Johan. 5.
vers. 14.

3. *Miraculosa ejusdem sanatio,* quam
triplici modo Christus in effectum produ-
cit

1. *Miserendo,* ut Marc. 1. vers. 41. indi-
cat vocabulo emphatico σπλαγχνιζειν, quo-

intimus commiserationis affectus describi-
tur, qui in Christo tantus est, quantus ipse
est, Sirach. 2. v. 22. Nam miserationis hominis
circa proximum suum, sed misericordia Dei
super omnem carnem, Sir. 18. v. 12. hinc cor-
dialis dicitur, Luc. 1. v. 78. Fluit ex hoc foun-
te largissima consolatio. Si quis argotat,
aut in miseriis hæret, ne abjectat animum,
sed ad Christum confugiat, cuius viscera
moventur. Si calamitosum aliquem Christianum
intuetur, ut inquit Os. II. v. 8. hinc Pa-
ter misericordiarum dicitur 2. Cor. 1. v. 3. &
universæ viæ ejus sunt misericordia & veri-
tas, Psal. 25. v. 10.

2. *Tangendo.* Poterat etiam sine atta-
cta ipsum curare, exemplo leproorum,
Luc. 17. vers. 14. sed tangere voluit, ut ofsten-
deret, se esse Dominum legis, quem leprosi
contactus non pollueret, adeoque naturam
humanam cum divinitate personaliter uni-
tam, vivificam esse demonstraret, quaæ Da-
masceni ratio est.

Lepra est imago peccati. Vide Meisn. su-
per hoc Evangelium. Ergò quod contactus
suæ carnis Christus lepram hoc loco tollit,
eo ipso confirmat, quod remissionem pec-
catorum per exhibitionem suæ carnis & san-
guinis in Eucharistia nobis conferre & obsi-
gnare velit, Joh. 6. v. 55.

3. *Dicendo.* Leprosus dixerat, si vis,
potes me mundare. Christus statim subji-
cit? Volo, mundus esto, & confessum mun-
data est lepra ejus. Nam ipsius πνευματα sunt
περιγυματα, Ezech. 22. v. 14. Verbum ejus ad-
huc sonat in Ecclesia. Si cum Davide cla-
mamus ex Psal. 51. vers. 4. Lava me Domi-
ne ab iniustitate mea, & à peccato meo
munda me, statim respondeat per ministros
suos volo, mundus esto. Nam fidelis est
& justus, ut remittat peccata nostra, &

G 3 emun-

emundet nos ab omni iniquitate, 1. Joh.. 1.
veri. 9. hoc facit per verbum, quod omnia
fanat, cum nec herba, nec malagma quic-
quam efficere potest, Sap. 16.v.12.

4. *Sanat informatio*, quā continen-
tur.

1. *Fugienda*. Nam vide, inquit, ne
ulli dixeris, & hoc ipso se ab aura gloriæ
pompaq; jaæstantæ alienum esse satis osten-
dit. Non enim quæsivit gloriam suam,
Johan.8.verf.50. Ita nos quoque in omni-
bus verbis ac operibus nostris Dei gloriam
in primis queramus juxta præscriptum Pau-
li, Col. 3. v. 17.

2. *Facienda*. Nam ad Sacerdotes ipsum
alebat duplii fine,

1. *Ratione sacrificii*, Lev. 14. vers. 1.
scqq. dann er wil den Priestern ihr Etiam
nicht entsiehen / sie wollen auch erhalten seyn.
Sicut enim operarius dignus est mercede
sua, Luc. 10. v. 7. Ita præcepit Dominus,
ut qui Evagelium annunciant, de Evange-
lio vivant, 1. Cor. 9. v. 14.

2. *Ratione testimonii*, ut mundatum
leprosum videntes, aur crederent Salvatori,
aut non crederent. Si crederent, salvaren-
tur, si non crederent, inexcusabiles forent,
ut Hieronymus loquitur. Tot enim testes
reprobi in extremo die contra se habe-
bunt, quot modis voluntatem ipsis revela-
tam contemperunt, ut Christus etiam ci-
vitatibus ingratia minoratur, Matth. 11. v. 21.
Joh. 12. v. 48.

De Secundo.

VIdimus Curam leprosi, videbimus et-
iam Curam paralytici, ubi duo nobis
ponderanda occurrunt:

1. *Centurionis querela*. Cum enim in-
gressus esset Capernaum, accessit eum

Centurio & rogavit eum, inquit Evange-
lista. In Græco vocatur ἐκατόνταρχος,
unde colligitur, fuisse ipsum Capitaneum
centum militum præsidiorum in oppi-
do Capernaum, à Romano Cæsare imme-
diatè dependentem, professione Ethnicum,
ut patet ex v. 10. & 11. Sed ex Luc. 7. vers. 5.
probabile est, quod abjurata Ethnicorum
idolatria religionem Judaicam amplexa-
tus fuerit.

Querelam quod attinet, describitur illa

1. *Ratione materie*. Nam de servo sol-
licitus est, qui domi jacebat paralyticus &
vehementer torquebatur. Hoc exemplo
hortatur omnes patres & matres familias,
ut pariter erga servos & ancillas affecti sint.
Quod pertinent dicta Scripturæ, Sir. 4.v.35.
c.7.v.23.c.33.v.30-31.Eph. 6.v.9.

Si igitur vim patiuntur, tuum est, ut de-
fendas ipsis, quod fecit David 2. Sam. 10.v.
7.scqq.

Si mercedem petunt, noli ipsis defrau-
dare. Nam merces illa clamat ad cœlum, Jac.
5.v.4.Deut.24.v.15.

Si infirmantur, ne insalutatos vel incur-
tos relinque, sed de medicina & necessariis
subsidiis ipsis prospice. Nam qui domestico-
rum curam negligunt. Ethnicis deteriores
sunt, 1. Tim.5.v.8.

2. *Ratione formæ*. Nam accessit Chri-
stum

1. *Reverenter*, Dominum appellans &
hac ipsâ appellatione fidem suam testatur,
quam ex concionibus & miraculis Christi in
Capernaum editis concepit. Proinde se hu-
miliat, Domine, inquiens, non sum dignus
ut intres sub tectum meum. Quæ communi-
nis vox est omnium Sanctorum. Nam qui
vult esse Christi discipulus, à Christo hu-
militatem discat, necesse est, Matth.11.v.29.

Super-